



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCXXXII. ad annum CCCCLI.

Parisiis, 1644

Cap. X.

urn:nbn:de:hbz:466:1-14584

Cecidit autem in terram ante omne Concilium episcoporum, & ibi confitebatur se peccasse. Respondit Abundius episcopus missus ab urbe Roma, & dixit: Non licet quemquam accusare pontificem suum, quoniam iudex non iudicabitur. Alia autem die conuenerunt in basilicam sanctam resurrectionis Domini nostri Iesu Christi, & ibi sederunt iudicantes eum. Ibi autem cum anathemate damnauerunt Euphemium usque ad ultimum temporis sui. Et subscripsérunt omnes in eius damnationem episcopi numero septuagintasex, & duo diaconi cardinales Romani, & tres presbyteri, & tres episcopi, qui directi fuerant, concluserunt, subscribentes in eius damnationem, & dum damnassent eum, exire ciuitatem iudicabant.

C A P. IX.

Et Polychronium episcopum Hierosolymitanum, quia ordinasset diaconum Aethiopem nomine Victorem, & quia ob decem libras auri ecclesias consecrabat, damnauerunt exire ciuitatem, & dederunt ei vel constituerunt prædia tria ecclesiæ, ita tamen, ut locus eius intatus seruaretur in gremio urbis Ierusalem. Et dum cessissent ei usufructuario prædia, subscripsérunt omnes episcopi septuagintasex, & episcopi tres, & presbyteri tres, & diacones duo, & dimiserunt ibidem episcopum quasi vicarium in loco eius nomine Theodolum de Bethlehem urbe. Et suspenderunt sedem eius, ita ut extra ciuitatem habitaret in prædiis supradictis. Et venerunt ad urbem Romam festinantes supradicti octo. Et iussit Sextus episcopus conuenire episcopos supradictos simul cum Augusto Valentiniano, & alligauerunt vulnera eius. Gaudebat autem Augustus in damnatione Euphemii episcopi, qui extitit accusator pontificis sui Polychronii. Et subscripsérunt in damnationem horum duorum, omnis Synodus, & Augustus Valentinianus, & Sextus episcopus urbis Romæ manu propria conclusit.

C A P. X.

Post menses etenim nouem, obsessa est ciuitas Ierusalē, ac laborabat fame, nec tantum fame, quantum inopia paupertatis. Polychronius autem, qui exepiscopus, vendidit publice prædia ecclesiæ supradicta pauperibus &

^{ANNO CHRISTI} 433 clericis, populoque Hierosolymitano erogauit vel sparsit. Veniens autem Priscus diaconus vrbis Ierusalem, accusabat iterum Polychronium, dicens: *Quod in tempore concessum fuerat, vendidit populo, cleroque sparsit.* Hoc Sextus episcopus audiens, gaudio corroborabatur, & intimauit Augusto Valentiniano rem, quam gestam audierat. Respondit Leo diaconus, & dixit ad Sextum episcopum: *Iube occurrere Synodum per auctoritatis tuæ munimen, ut subueniatur domui, quæ supra aquam habuit fundatum, & accipiat contignationes & fundamenta lapidea, ut tui munimine pontificii non ruat dominus ædificata.*

CAP. XI.

Misit autem præcepta per vniuersas ciuitates, & occurserunt omnes episcopi. Et fecit Synodum, & seddit cum Augusto in eadem basilica Constantiniana. Et sedens cum episcopis, simulque & Augusto, cogitationibusque æstuabat Sextus episcopus, qualiter Polychronium releuaret. Respondit Valentinianus Augustus, & dixit: *No liæstuare, pater, quia meruit Polychronius sicut & vidua,* Luc. 21.
Marc. 12. *quæ misit aeris minuta duo in gazophylacium, vbi omnes abundanter miserunt. Illa enim nihil habebat, nisi tantum illa duo minuta.* Et respondit Dominus noster: *Et quid?* Dixit autem Sextus episcopus: *Quia omnibus plus misit.* Hæc autem omnem vietum suum quem habuit, misit. Respondit Leo diaconus: Ergo præsul qui imitatus est viduam, non viduetur. Tunc leuauerunt se omnes episcopi, & qui in eodem loco erant, præ gaudio litanias faciebant: plus enim ex gaudio plorabant omnes.

CAPV T XII.

Et direxit epistolam hanc ad vrbem Ierusalem. Beatiſſimo Polychronio episcopo & coepiscopis Sextus episcopus vrbis Romæ & vniuersa Synodus clerusque omnis & Augustus. Reuelationis tuæ officia & munimen rui næ non patiar obliuisci. Iam redi ad vxorem, quam tentabas adulterare. Non viduetur enim vxor casta, nec vir prudens maculetur pecunia, aut scorti contagio: quin templum, quod deiecerat Euphemius, per te, Polychroni, ædificetur: Redi ad vxorem sine macula, & custodi dicta apostolica. Ora pro vrbe Roma. Actum est au-